

septimana distribuet panes de uno modio siliginis, pauperibus scolaribus choro deservientibus tertiam partem, alias duas partes communibus pauperibus et husarmen. Ut autem praedicta ordinatio immutabilis permaneat, praedictam literam desuper conscriptam dedi domino Petro eiusdem vicariae vicario, sigillorum domini Petri decani, magistri Conradi cantoris canonicorum Misnensium et mei appensionibus roboratam. Datum anno domini M°.CC°.LXXX°.VIII°. in nocte sanctorum martyrum Fabiani et Sebastiani.

Nach dem Orig. im Stiftsarchiv zu Meissen mit drei wohl erhaltenen Siegeln an Pergamentstreifen.  
Köhler cod. dipl. Lus. I. S. 161.

No. 324. 1298. 24. März.

*Erzbischof Burchard zu Magdeburg und dessen Suffraganen, unter diesen B. Albert von Meissen ertheilen denen, welche bussfertig bei Erhebung der geweihten Hostie in der Stiftskirche zu Zeitz das Vaterunser und Ave Maria knieend sprechen, jeder Einzelne 40 Tage Ablass.*

Borchardus dei gratia sanctae Magdeburgensis ecclesiae archiepiscopus, Hermannus Halbirstadensis, Henricus Merseburgensis, Albertus Misnensis, Johannes Haulbergensis ecclesiarum episcopi universis Christi fidelibus salutem in eo, qui est omnium vera salus. Quanta devotione, quanta reverentia et honore sacratissimum corpus dominicum, quo Christi fideles in ecclesia pascuntur et sanctificantur, sit ab omnibus venerandum, nulli christiano est licitum ignorare. Et ideo devotio et fides eorum, qui amplio-rem reverentiam et honorificentiam per effectum operis exhibent, eidem sanctissimo sacramento est in domino commendanda eorumque pio proposito merito est promotio inpendenda. Cum igitur in ecclesia beatorum Petri et Pauli apostolorum in Cice Nuemburgensis diocesis consuetudo laudabilis habeatur, ut illud corpus sanctissimum, quod pro infirmis solet reservari, singulis diebus dominicis innovetur et de sacrario ad altare et e converso cum reverentia a ministris altaris infra missarum solempnia deferatur, nos cupientes christicolae ad venerandum hoc reverendissimum sacramentum propensius excitentur, omnibus vere poenitentibus et confessis, qui tunc praesentes, dum idem pretiosissimum corpus dominicum sic delatum fuerit, orationem dominicam cum salutatione angelica ob reverentiam eiusdem sacramenti flexis humiliter genibus dixerint, de omnipotentis dei misericordia et beatorum omnium patronorum nostrorum et ea, quam nobis tradidit, auctoritate confisi, quilibet nostrum XL dies dummodo diocesani rati habitio assequatur, de iniuncta sibi poenitentia misericorditer in domino relaxamus. Nos quoque Bruno dei gratia Nuemburgensis ecclesiae episcopus etc. relaxamus. Datum anno domini M°.CC°.XC°.VIII°. nono Kalend. Aprilis. Nos etiam Volradus dei gratia Brandinburgensis ecclesiae episcopus etc. relaxamus praesentibus perpetuo valituris.

Nach dem Copiar. sec. XV. im Stiftsarchiv zu Zeitz D. 23. fol. 63<sup>b</sup>.